



Broj: 05/1-50-13-29-24-3/16
Sarajevo, 14.9.2016.

ZAPISNIK

24. sjednice Nezavisnog odbora Parlamentarne skupštine BiH

Sjednica je održana 14.9.2016., s početkom u 17 sati.

Sjednicu je sazvao Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obralija, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufbašić, Adisa Begić, Nikola Džambas, Mate Miletić, Ljubomir Kuravica i Miroslav Škorić, članovi Nezavisnog odbora.

OPRAVDANO ODSUTNI: Žiko Krunić, predsjednik Nezavisnog odbora

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavao prvi zamjenik predsjednika Nezavisnog odbora Enes Obralija.

Konstatirajući da postoji kvorum za rad, otvorio je 24. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 23. sjednice Nezavisnog odbora;
2. Informacija o posjeti članova Nezavisnog odbora Graničnoj policiji BiH;

3. Razmatranje Izvještaja o finansijskoj reviziji Granične policije BiH, Državne agencije za istrage i zaštitu BiH i Direkcije za koordinaciju policijskih tijela BiH za 2015. godinu, materijal Ureda za reviziju institucija BiH;
4. Tekuća pitanja.

Ad.1. Usvajanje Zapisnika 23. sjednice Nezavisnog odbora

Zapisnik 23. sjednice Nezavisnog odbora usvojen je jednoglasno, bez primjedbi.

Ad.2. Informacija o posjeti članova Nezavisnog odbora Graničnoj policiji BiH

Prvi zamjenik predsjednika Nezavisnog odbora Enes Obralija u uvodu u ovu tačku dnevnog reda podsjetio je da su Mato Jozić, drugi zamjenik predsjednika Nezavisnog odbora, Adisa Begić i Miroslav Škorić, članovi Nezavisnog odbora, danas, 14.9.2016., posjetili Graničnu policiju BiH i održali sastanak s direktorom Zoranom Galićem i zamjenikom direktora Zijadom Srabovićem.

Navedeni članovi su ukratko usmeno informirali ostale članove Nezavisnog odbora o sastanku s rukovodstvom Granične policije BiH te je dogovoreno da se pismeni izvještaj pripremi i razmatra na jednoj od sljedećih sjednica Nezavisnog odbora.

Članovi Nezavisnog odbora nisu imali primjedbi i primili su k znanju usmenu informaciju o sastanku s predstavnicima Granične policije BiH.

Ad.3. Razmatranje Izvještaja o finansijskoj reviziji Granične policije BiH, Državne agencije za istrage i zaštitu BiH i Direkcije za koordinaciju policijskih tijela BiH za 2015. godinu, materijal Ureda za reviziju institucija BiH

U okviru ove tačke dnevnog reda članovi Nezavisnog odbora razmatrali su finansijske izvještaje Ureda za reviziju institucija BiH policijskih agencija iz svoje nadležnosti, a to su: Granična policija BiH, Direkcija za koordinaciju policijskih tijela BiH i Državna agencija za istrage i zaštitu BiH.

Prvi zamjenik predsjednika Nezavisnog odbora Enes Obralija napomenuo je da su ovi izvještaji pristigli na zahtjev Nezavisnog odbora kako bi se upoznali s njima i vidjeli da li eventualno ima nešto što bi bilo predmetom postupanja Nezavisnog odbora i njihove nadležnosti u radu ove tri policijske agencije, nakon čega je otvorio raspravu.

U raspravi je učestvovala većina članova Nezavisnog odbora, nakon čega su jednoglasno usvojili

ZAKLJUČAK

Potrebno je da navedene policijske agencije u što kraćem roku informiraju Nezavisni odbor o preduzetim aktivnostima na realizaciji preporuka datih u Izvještaju Ureda za reviziju institucija BiH o finansijskoj reviziji za 2015. godinu, s posebnim osvrtom na aktivnosti koje se odnose na potpisivanje sporazuma s Agencijom za policijsku podršku BiH, a s ciljem provođenja zajedničkih nabavki za određenu opremu za policijska tijela.

Ad.3. Tekuća pitanja

U okviru ove tačke dnevnog reda članovi Nezavisnog odbora dogovarali su se o daljnjim aktivnostima i posjetama policijskim agencijama iz svoje nadležnosti.

Prvi zamjenik predsjednika Nezavisnog odbora Enes Obralića zaključio je sjednicu u 18,20 sati.

SEKRETAR
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Žiko Krunić